



Broj: 01-153/13
Vareš, 30.05. 2013. godine

Z A P I S N I K
s 7. sjednice Općinskog vijeća Vareš,
održane 25.04. 2013. godine

Zdravko Marošević – predsjedavajući Općinskog vijeća Vareš, otvorio je 7. sjednicu s početkom u 10,30 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Boško Andrić, Mahira Brkić, Tajiba Brkić, Almir Ciriković, Asmir Čizmo, Zdenko Franjić, Emir Islamović, Kenan Kamenjaš, Demo Kevrić, Zdravko Marošević, Mario Mirčić, Safeta Muftić, Mato Pavić, Elvir Rožajac, Goran Selak i Nikola Šimić.

Odsutni – Zdravko Barkić, Dženana Bešić.

Pored vijećnika sjednici prisustvuju: Općinski načelnik – Avdija Kovačević, sekretar Općinskog vijeća - Leon Pavlović, pomoćnici općinskog načelnika, zamjenica Zajedničkog općinskog pravobranioca – Elma Brčić, ispred Službe za privredu i finansije – Senad Mahmutović, poslanik u Skupštini ZDK – Fahrudin Brkić, predsjednici političkih stranaka, predstavnici BBM d.o.o. Senad Čatović i Mineta Hrvat, ispred OSCE Terenski ured Zenica – Dragan Vuković i Johanna Kisielak

Sekretar OV Leon Pavlović izvijestio je Vijeće o realizaciji Zaključaka sa 6. sjednice OV održane 27.03.2013. godine. Na 6. sjednici OV doneseno je pet (5) Zaključaka. Od pet (5) Zaključaka tri (3) su realizovana a dva (2) su u toku realizacije. Na istoj sjednici postavljeno je pet (5) vijećničkih pitanja. Na sva pitanja, nadležni su dostavili pismeni odgovor podnosiocima vijećničkih pitanja.

Predsjedavajući OV pozvao je vijećnike koji su dobili odgovore na postavljena vijećnička pitanja na 6. sjednici OV, da se izjasne o istim.

Za riječ se javio vijećnik Demo Kevrić i izjasnio se da nije zadovoljan odgovorom na postavljeno vijećničko pitanje na prošloj sjednici koje se odnosi na uklanjanje otpadnog materijala u bunkerima. Traži da Općinsko vijeće prosljedi postavljeno pitanje „Rudniku željezne rude Vareš“ na koje će nadležni odgovor poslati Općinskom vijeću Vareš.

Vijećnik Ismet Abdulahović takođe je nezadovoljan odgovorom na postavljeno vijećničko pitanje na prošloj sjednici koje se odnosi na problem lokacije za mjesno groblje u MZ Dabravine.

(Vijećnička pitanja)

Emir Islamović

1. Molimo JKP d.o.o. Vareš da dostavi laboratorijsku analizu vode za piće na području MZ Budoželje, odnosno izvorišta Vrelo Zubeta i koliko se često vrši analiza ovog vrela. Napomena dobili smo analizu vode od JU Doma zdravlja Vareš da je ova voda neispravna za piće?

Goran Selak

2. Zamoljen sam ispred MZ Pržići za pokretanje opravke i saniranja spomenika palim borcima NOR-a od 1941 do 1945 godine, koji se nalazi u selu Tisovci koji je iz godine u godinu u sve lošijem stanju i propadanju?

Mahira Brkić

3. Kakav karakter imaju objekti izgrađeni na lokalitetu „Pijaca“ i to u pogledu zemljišta na kom su izgrađeni, kao i u pogledu samih građevina? Ako je istina da su privremenog karaktera, da li je nekada pokretan postupak ili Inicijativa o legalizaciji istih, ako jeste dokle je došao sam proces, a ako nije da li se misli šta poduzimati po pitanju legalizacije predmetnih objekata?
4. Dobila sam molbu od strane mještana Ravne odnosno naselja Kosići da uputim pitanje: Šta se dešava sa dovodom pitke vode u naselju Kosići jer je ista dovedena do naselja Hajde i tu je nastao zastoje. Da li će i kada biti dovršen dovod vode u pomenuto naselje?

Elvir Rožajac

5. Vijećničko pitanje odnosi se na ulicu Tirići, ulica pored „C“ Bloka, mještani te ulice pitaju šta je sa njihovom ulicom i da li će doći do realizacije bilo kakve izgradnje puta, jer auto Hitne pomoći do nekih kuća ne može doći, kada je neka intervencija, mislim da je ta ulica cijelo vrijeme zapostavljena?

Zdenko Franjić

6. Tko je i zašto dao saglasnost za sječu i prodaju ski lifta u MZ Javornik, naselje Ponikva i dali su ispoštovane sve zakonske procedure? Pitanje upućeno Načelniku i Službi. Ski lift je trebalo dislocirati na neku drugu lokaciju a nikako ga prodati u staro željezo.
7. Zašto penzije u nekim MZ kasne i do pet dana u odnosu na podjelu u gradskoj zoni? Penzionerima je puno čekati i jedan dan, a pet i previše.

Ismet Abdulahović

8. Odluka je donesena za vijećničke iskaznice koje nisu još nikada napravljene, šta je sa iskaznicama?

9. Ne provodi se Odluka o vijećničkom satu koji je trebalo da bude, takođe donesena Odluka nikad se ne provodi, razlog da se odgovori pismeno?

Nikola Šimić

10. Ulica Nikovac nalazi se u gornjem dijelu grada i povezuje ulice Selište i Zvijezda i alternativa je u slučaju nezgode u ulici Selište. Ukupna dužina cca 300 metara i sve je razrovano usred izgradnje elektro, vodo i telefonske mreže. Molim nadležnu Službu da izade i utvrdi činjenično stanje u ulici i iznađe rješenje za sanaciju?

Demo Kevrić

11. Tražim od šumarstva da izvrši sanaciju lokalnog puta Striježevo - Kokošćići nakon sječe i izvoza šume (borovine) sa tog djela?

Tajiba Brkić

12. Mogu li se aktivirati sredstva za sanaciju Doma Zdravlja koja su nastala štetom za prošlogodišnju zimu?

Općinski načelnik Avdija Kovačević u okviru aktuelne problematike na području općine Vareš izvijestio je Vijeće da je delegacija ispred Općine Vareš, u sastavu Općinski načelnik Avdija Kovačević, gospodin Zdravko Barkić i gospodin Brano Šurkić, bila u posjeti Američkoj ambasadi u Sarajevu kod gospodina ambasadora Patricka Moona. U sklopu te posjete imali smo reprezentativan prijem, na kome je uz široku elaboraciju prezentovan zahtjev i problemi sa kojima se već duže godina suočava općina Vareš. U vezi s tim traženo je da ukoliko dođe do Ustavnih promjena u Federaciji BiH da se vodi računa, da sve i jedan razlog, odnosno sve i jedan parametar koji se uzima u obzir prilikom izrade ovakvog značajnog dokumenta, ide u prilog općini Vareš, da on kao takav bude sastavni dio jedne šire Sarajevske regije ili Sarajevskog kantona sve u ovisnosti od toga kakvo će biti konačno Ustavno rješenje. Dobili smo obećanje od strane Američke ambasade da će se voditi računa o našim zahtjevima, s tim što nam je jasno kazano da ne očekujemo ni mi neke velike i značajne promjene u tom smislu, jer očigledno da još uvijek politički ambijent, odnosno spremnost političkih faktora u BiH nije toliko izražen da bi se mogle napraviti značajnije Ustavne promjene u dijelu gdje bi Vareš mogao da ostvari svoj interes. Također je ambasador upoznat sa privrednom situacijom u Varešu. Ambasadoru i Službama uručen je „Katalog projektnih ideja općine Vareš“ sa određenom dodatnom dokumentacijom, a sve u smislu pronalaženja potencijalnih investitora koji su voljni da ulažu u Vareš, sa krajnjim ciljem da to bude u funkciji otvaranja novih radnih mjesta i stvaranja novih tržišnih vrijednosti. Gospodin ambasador nas je izvijestio da pored razvojne agencije USAID, koja je duži niz godina u Varešu prisutna, kroz određene projekte bila involvirana, da će se on potruditi da putem i te razvojne agencije i putem drugih fondova koji su u bliskoj konekciji sa Američkom ambasadam, pomoći prilikom našeg apliciranja da se određena sredstva koja se odnose na razvoj i afirmaciju rada civilnog društva, da dobiju pozitivnu ocjenu, tj. da budu implementirani u Varešu. Na kraju svog izlaganja Općinski načelnik je skrenuo pažnju na zimsko i ljetno održavanje puteva na području općine Vareš, na što su i vijećnici ukazali svoje nezadovoljstvo kroz vijećnička pitanja. S tim u vezi je predložio da se o tome raspravlja pod zadnjom tačkom „Tekuća pitanja“ dnevnog reda današnje sjednice ili na slijedećoj sjednici OV a da se uputi Zahtjev prema resornom Ministarstvu prometa i komunikacije Vlade ZDK, u kome bi smo na najpogodniji mogući način izrazili svoje nezadovoljstvo činjenicom da imamo izuzetno loše zimsko i ljetno održavanje puteva koji su pod nadležnošću ZE-DO kantona. Upoznao je prisutne da je već nekoliko puta skrenuta pažnja nadležnim u vezi ovog problema i izvijestio Vijeće da će na jednoj od narednih sjednica, Općinsko vijeće i javnost

biti upoznata sa Informacijom u vezi ovog problema i poduzetim aktivnostima na rješavanju istog.

Predsjedavajući OV stavio je na raspravu zapisnik sa 6. sjednice OV.

Nije bilo primjedbi i predsjedavajući OV stavio je na izjašnjavaње zapisnik sa 6. sjednice OV i nakon izjašnjavaња vijećnika konstatovao da je **zapisnik sa 6. sjednice OV jednoglasno usvojen.**

Predsjedavajući OV stavio je na raspravu prijedlog dnevnog reda za 7. sjednicu OV.

Nije bilo primjedbi i predsjedavajući OV stavio je na izjašnjavaње prijedlog dnevnog reda za 7. sjednicu OV, te nakon izjašnjavaња vijećnika konstatovao da je **jednoglasno usvojen s l i j e d e ć i**

D n e v n i r e d

1. Prijedlog Odluke o usvajanju plana parcelacije gradskog građevinskog zemljišta.
2. Prijedlog Odluke o ukidanju statusa javnog dobra u općoj upotrebi.
3. Prijedlog Odluke o pristupanju izradi Urbanističkog plana Vareša.
4. Prijedlog Odluke o pristupanju prodaje poslovnog objekta u Gornjoj Vijaci.
5. Prijedlog Odluke o raspodjeli sredstava za Klubove vijećnika političkih stranaka i vijećnika u Općinskom vijeću Vareš iz proračuna/budžeta općine Vareš za 2013.godinu.
6. Prijedlog Rješenja o razrješenju člana Općinske izborne komisije.
7. Prijedlog Rješenja o imenovanju člana Općinske izborne komisije.
8. Prijedlog Rješenja o davanju saglasnosti Begić Muzaferu iz Sarajeva o prometu nedovršenog stambenog objekta.
9. Izvještaj o izvršenju općinskog budžeta /proračuna za period I-III 2013. godine.
10. Informacija o ostvarenim prihodima u 2012. godini po osnovu odluka Općinskog vijeća Vareš, i to:
 - a) Odluke o općinskim administrativnim taksama,
 - b) Odluke o općinskim komunalnim taksama,
 - c) Odluke o komunalnoj naknadi,
 - d) Odluke o građevinskom zemljištu,
 - e) Odluke o osnivanju općinskog fonda za vatrogastvo.
11. Informacija o primjeni Zakona i Uredbe o šumama FBiH, sa podacima o tužbama i potraživanjima Općine Vareš.
12. Informacija o realizaciji Ugovora o koncesijama za 2012. godinu.
13. Izvještaj Komisije za procjenu prometne vrijednosti nekretnina za 2012. godinu.
14. Informacija o zimskom održavanju lokalnih i regionalnih puteva i gradskih ulica.

15. Informacija o provođenju lokalnog ekološkog akcionog/akcijskog plana za općinu Vareš u 2012. godini.

16. Informacija o dostignutom nivou obnove i procesu povratka raseljenih osoba.

17. Tekuća pitanja.

Ad. 1.

*(Prijedlog Odluke o usvajanju
plana parcelacije gradskog
građevinskog zemljišta.)*

Komisija za statutarna pitanja i propise na 3. sjednici održanoj 18.03.2013. godine većinom glasova (3 glasa „ZA“ i 2 glasa „PROTIV“ donijela je slijedeći

Zaključak:

- **Komisija za statutarna pitanja i propise nema primjedbi na Prijedlog Odluke o usvajanju plana parcelacije gradskog građevinskog zemljišta, te je upućuje Vijeću na razmatranje.**

Ispred predlagača Ermin Musa pomoćnik načelnika upoznao je Vijeće sa tehničkom greškom u članu 1. Prijedloga Odluke.

Predsjedavajući OV dao je komentar na provedenu javnu raspravu i prezentaciju koja je održana prije početka današnje sjednice i skrenuo pažnju vijećnicima da se usmjere na nadležnosti Općinskog vijeća, na donesene odluke i akte i da se vodi rasprava u kojoj će se iznositi jasni argumenti u vezi današnje tačke dnevnog reda, odnosno izgradnji MHE „Vareš“ na rijeci Stavnji.

Otvorena je rasprava u kojoj su svoje primjedbe, prijedloge, stavove i mišljenja iznijeli vijećnici: Elvir Rožajac, Ismet Abdulahović, Safeta Muftić, Mario Mirčić, Kenan Kamenjaš, Goran Selak, Đemo Kevrić, Boško Andrić, predsjedavajući OV Zdravko Marošević i Općinski načelnik koji je iznio mišljenje i dao komentar za ovu tačku dnevnog reda i odgovorio na neka postavljena pitanja vijećnika u raspravi, te podsjetio Vijeće na procedure koje se odnose na sprovedene potrebne radnje u vezi izgradnje MHE Vareš na rijeci Stavnji.

Vijećnik Đemo Kevrić u ime Kluba BPS zatražio je pauzu u trajanju od 10 minuta.

Predsjedavajući OV dao je pauzu u trajanju od 10 minuta.

Nastavljeno je sa radom današnje sjednice.

Za riječ se javio vijećnik Mario Mirčić i u ime Kluba Hrvatske koalicije izjavio da će Klub podržati predloženi Prijedlog Odluke, te predložio da se usvoji slijedeći Zaključak –Da Općinski načelnik imenuje jedan Nadzorni organ koji bi vodio kontrolu i nadzor nad provođenjem ovog projekta u koji bi obavezno ušli i predstavnici nevladinog sektora.

Za riječ se javio Općinski načelnik i izjavio da prihvata prijedlog Kluba Hrvatske koalicije i u vezi s tim predložio je slijedeći

Zaključak:

- **Zadužuje se Općinski načelnik da imenuje Nadzorni organ (u sastavu Općinski načelnik, nadležna Služba, predsjedavajući OV, Udruženje ribolovaca Vareš i Udruženje ekologa Vareš) koji će voditi kontrolu i nadzor nad provođenjem realizacije projekta izgradnje MHE „Vareš“ na rijeci Stavnji.**

Nije bilo više učesnika u raspravi i predsjedavajući OV zaključio je raspravu.

Predsjedavajući OV stavio je na izjašnjanje Prijedlog Odluke o usvajanju plana parcelacije gradskog građevinskog zemljišta i predloženi Zaključak.

Nakon izjašnjanja vijećnika predsjedavajući OV konstatuje da je sa **10 glasova „ZA“, 4 glasa „PROTIV“ i 3 „SUZDRŽANA“ glasa usvojen predloženi Zaključak i**

***Odluka o usvajanju plana parcelacije
gradskog građevinskog zemljišta.***

Ad.2.

*(Prijedlog Odluke o ukidanju
statusa javnog dobra u općoj upotrebi .)*

Komisija za statutarna pitanja i propise na 4. sjednici održanoj 16.04.2013. godine jednoglasno je donijela slijedeći

Zaključak:

Komisija za statutarna pitanja i propise predlaže da se u Prijedlogu Odluke preambula mijenja i da glasi:

„Na osnovu člana 4. stav 2. Zakona o prometu nepokretnosti („Službeni list SR BiH“ broj: 38/78, 4/89, 29/90 i 22/91) i („Službeni list R BiH“ broj: 21/92, 3/93, 13/94, 18/94 i 33/94), i člana 22. tačka 2. Statuta Općine Vareš – Prečišćeni tekst, broj: 01-162/12 od 11.09.2012. godine, Općinsko vijeće Vareš , na ____ . sjednici održanoj ____ . 2013. godine, d o n o s i „,

I da se u članu 2. iza riječi „člana 1.“ dodaju riječi „ove Odluke“. U obrazloženju Prijedloga Odluke potrebno je uskladiti navedene brojeve Službenih listova SR BiH i brojeve Službenih listova R BiH sa brojevima navedenim u preambuli, te kao takav Prijedlog Odluke upućuje Vijeću na razmatranje.

Predlagač je prihvatio stav komisije.

Nije bilo rasprave po ovoj tački dnevnog reda i predsjedavajući OV stavio je na izjašnjanje Prijedlog Odluke o ukidanju statusa javnog dobra u općoj upotrebi.

Nakon izjašnjanja vijećnika predsjedavajući OV konstatuje da je sa **12 glasova „ZA“, 3 glasa „PROTIV“ i 2 „SUZDRŽANA“ glasa usvojena**

***Odluka o ukidanju statusa
javnog dobra u općoj upotrebi***

Ad. 3.

*(Prijedlog Odluke o pristupanju
izradi Urbanističkog plana Vareša .)*

Komisija za statutarna pitanja i propise na 4. sjednici održanoj 16.04.2013. godine jednoglasno je donijela slijedeći

Zaključak:

Komisija za statutarna pitanja i propise predlaže da se u nazivu Prijedloga Odluke riječ „urbanističkog“ napiše sa velikim početnim slovom, u članu 1. riječ „Plana“ zamijeni sa riječju „Plan“ i u Prijedlogu Odluke na hrvatskom jeziku u članu 10. brišu riječi „(u daljem tekstu: Zakon)“, te je upućuje Vijeću na razmatranje.

Predlagač je prihvatio stav Komisije

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o pristupanju izradi Urbanističkog plana Vareša.

Nakon izjašnjavanja vijećnika predsjedavajući OV konstatuje da je sa **15 glasova „ZA“ i 2 „SUZDRŽANA“ glasa usvojena**

Odluka o pristupanju izradi Urbanističkog plana Vareša.

Ad. 4.

*(Prijedlog Odluke o pristupanju prodaje
poslovnog objekta u Gornjoj Vijaci .)*

Komisija za statutarna pitanja i propise na 4. sjednici održanoj 16.04. 2013. godine, jednoglasno je donijela slijedeći:

Zaključak:

Komisija za statutarna pitanja i propise predlaže da se u preambuli Prijedloga Odluke briše navedeni Službeni list SR BiH broj: 29/80, a da se iza broja 18/94 doda i broj 33/94, te je upućuje Vijeću na razmatranje.

Predlagač je prihvatio stav Komisije.

Otvorena je rasprava u kojoj su učestvovali predsjedavajući OV u svojstvu predsjednika MZ Vijaka i pomoćnik Općinskog načelnika Ermin Musa koji je dao dodatno pojašnjenje za ovu tačku dnevnog reda i odgovorio na neka pitanja postavljena u raspravi.

Zaključena je rasprava i predsjedavajući OV stavio je na izjašnjavanje Prijedlog Odluke o pristupanju prodaje poslovnog objekta u Gornjoj Vijaci.

Nakon izjašnjavanja vijećnika predsjedavajući OV konstatuje da je **jednoglasno usvojena**

Odluka o pristupanju prodaje poslovnog objekta u Gornjoj Vijaci

Ad. 5.

*(Prijedlog Odluke o raspodjeli sredstava za Klubove
vijećnika političkih stranaka i vijećnika u Općinskom
vijeću Vareš iz proračuna/budžeta općine Vareš za 2013.godinu .)*

Komisija za statutarna pitanja i propise na 4. sjednici održanoj 16.04.2013. godine jednoglasno je donijela slijedeći

Zaključak:

- **Komisija za statutarna pitanja i propise predlaže da se u Prijedlogu Odluke izvrše uočene tehničke ispravke, te je upućuje Vijeću na razmatranje.**

Predlagač nije imao dodatno objašnjenje za ovu tačku dnevnog reda.

Otvorena je rasprava u kojoj su učestvovali zamjenica predsjedavajućeg OV Mahira Brkić i sekretar Općinskog vijeća koji je dao dodatno pojašnjenje i odgovorio na postavljeno pitanje zamjenice predsjedavajućeg OV u raspravi.

Zaključena je rasprava i predsjedavajući OV stavio je na izjašnjavanje Prijedlog Odluke o raspodjeli sredstava za Klubove vijećnika političkih stranaka i vijećnika u Općinskom vijeću Vareš iz proračuna/budžeta općine Vareš za 2013. godinu..

Nakon izjašnjavanja vijećnika predsjedavajući OV konstatuje da je **jednoglasno usvojena**

*Odluka o raspodjeli sredstava za Klubove
vijećnika političkih stranaka i vijećnika
u Općinskom vijeću Vareš za 2013. godinu.*

Ad.6.

*(Prijedlog Rješenja o razrješenju
člana Općinske izborne komisije.)*

Komisija za izbor i imenovanja na 4. sjednici održanoj 03.04.2013. godine jednoglasno je donijela slijedeći

Zaključak:

- **Komisija za izbor i imenovanja nema primjedbi na predloženi Prijedlog Rješenja o razrješenju člana Općinske izborne komisije, te Prijedlog Rješenja upućuje Vijeću na razmatranje. Prijedlog rješenja se nalazi u prilogu ovog zapisnika.**

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o razrješenju člana Općinske izborne komisije.

Nakon izjašnjavanja vijećnika predsjedavajući OV konstatuje da je **jednoglasno usvojeno**

*Rješenje o razrješenju člana
Općinske izborne komisije*

Ad. 7.

*(Prijedlog Rješenja o imenovanju
člana Općinske izborne komisije.)*

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o imenovanju člana Općinske izborne komisije.

Nakon izjašnjavanja vijećnika predsjedavajući OV konstatuje da je **jednoglasno usvojeno**

*Rješenje o imenovanju člana
Općinske izborne komisije.*

Ad.8.

*(Prijedlog Rješenja o davanju saglasnosti
Begić Muzaferu iz Sarajeva o prometu
nedovršenog stambenog objekta.)*

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o davanju saglasnosti Begić Muzaferu iz Sarajeva o prometu nedovršenog stambenog objekta.

Nakon izjašnjavanja vijećnika predsjedavajući OV konstatuje da je **jednoglasno usvojeno**

***Rješenje o davanju saglasnosti Begić Muzaferu iz
Sarajeva o prometu nedovršenog stambenog objekta .***

Ad. 9.

*(Izveštaj o izvršenju Općinskog
budžeta /proračuna za period I-III 2013. godine.)*

Predlagač nije imao dodatno objašnjenje za ovu tačku dnevnog reda.

Otvorena je rasprava u kojoj su svoje primjedbe, prijedloge, stavove, sugestije i mišljenja iznijeli vijećnici: Elvir Rožajac, Safeta Muftić, Đemo Kevrić, Kenan Kamenjaš i Općinski načelnik Avdija Kovačević koji je dao dodatno pojašnjenje i odgovorio na neka pitanja vijećnika postavljena u raspravi.

Zaključena je rasprava i predsjedavajući OV stavio je na izjašnjavanje Izveštaj o izvršenju Općinskog budžeta/proračuna za period I-III 2013. godine.

Nakon izjašnjavanja vijećnika predsjedavajući OV konstatuje da je **jednoglasno usvojen**

***Izveštaj o izvršenju Općinskog
budžeta/proračuna za period I-III 2013. godine.***

Ad. 10.

*(Informacija o ostvarenim prihodima u 2012. godini
po osnovu odluka Općinskog vijeća Vareš, i to:
a) Odluke o općinskim administrativnim taksama,
b) Odluke o općinskim komunalnim taksama,
c) Odluke o komunalnoj naknadi,
d) Odluke o građevinskom zemljištu,
e) Odluke o osnivanju općinskog fonda za vatrogastvo.)*

Predlagač nije imao dodatno objašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Informaciju o ostvarenim prihodima u 2012. godini po osnovu odluka Općinskog vijeća Vareš.

Nakon izjašnjavanja vijećnika predsjedavajući OV konstatuje da je **jednoglasno usvojena**

**Informacija o ostvarenim prihodima u 2012. godini
po osnovu odluka Općinskog vijeća Vareš, i to:**
a) Odluke o općinskim administrativnim taksama,
b) Odluke o općinskim komunalnim taksama,
c) Odluke o komunalnoj naknadi,
d) Odluke o građevinskom zemljištu,
e) Odluke o osnivanju općinskog fonda za vatrogastvo.)

Ad. 11.

*(Informacija o primjeni Zakona i
Uredbe o šumama FBiH, sa podacima o
tužbama i potraživanjima Općine Vareš.)*

Fahrudin Brkić zastupnik u Skupštini ZE-DO kantona upoznao je Vijeće o aktuelnim dešavanjima vezanim za primjenu Zakona i Uredbe o šumama i ostalim dešavanjima vezanim za ovu problematiku.

Otvorena je rasprava u kojoj su svoje prijedloge, primjedbe, sugestije i mišljenja iznijeli vijećnici: Elvir Rožajac, Ismet Abdulahović, Boško Andrić, Mario Mirčić i Elma Brčić zamjenica Općinskog pravobranioca koja je odgovorila na neka pitanja vijećnika postavljena u raspravi.

Zaključena je rasprava i predsjedavajući OV je na osnovu diskusije u raspravi sugerisao da Općinski načelnik upotrijebi sve zakonske ovlasti u vezi potraživanja finansijskih sredstava koje pripadaju Općini Vareš a u vezi koncesija o šumama.

Predsjedavajući OV stavio je na izjašnjanje Informaciju o primjeni Zakona i Uredbe o šumama FBiH, sa podacima o tužbama i potraživanjima Općine Vareš.

Nakon izjašnjanja vijećnika predsjedavajući OV konstatuje da je **jednoglasno usvojena**

***Informacija o primjeni Zakona i
Uredbe o šumama FBiH, sa podacima o
tužbama i potraživanjima Općine Vareš***

Predsjedavajući OV u 12,45 sati dao je pauzu u trajanju od 45 minuta.
Nastavljeno je sa radom današnje sjednice u 13 i 30 sati.

Ad. 12.

*(Informacija o realizaciji Ugovora
o koncesijama za 2012. godinu .)*

Nije bilo rasprave po ovoj tački dnevnog reda i predsjedavajući OV stavio je na izjašnjanje Informaciju o realizaciji Ugovora o koncesijama za 2012. godinu.

Nakon izjašnjanja vijećnika predsjedavajući OV konstatuje da je **jednoglasno usvojena**

***Informacija o realizaciji Ugovora
o koncesijama za 2012. godinu.***

Ad. 13.

(Izvještaj Komisije za procjenu prometne vrijednosti nekretnina za 2012. godinu.)

Nije bilo rasprave po ovoj tački dnevnog reda i predsjedavajući OV stavio je na izjašnjanje Izvještaj Komisije za procjenu prometne vrijednosti nekretnina za 2012. godinu.

Nakon izjašnjanja vijećnika predsjedavajući OV konstatuje da je **jednoglasno usvojen**

Izvještaj Komisije za procjenu prometne vrijednosti nekretnina za 2012. godinu.

Ad. 14.

(Informacija o zimskom održavanju lokalnih i regionalnih puteva i gradskih ulica.)

Otvorena je rasprava u kojoj su svoje prijedloge, primjedbe, sugestije i mišljenja iznijeli vijećnici: Elvir Rožajac, Đemo Kevrić, Tajiba Brkić, Nikola Šimić, Mario Mirčić, predsjedavajući OV Zdravko Marošević, Ermin Musa pomoćnik načelnika koji je odgovorio na postavljeno pitanje vijećnika Đeme Kevrić i Općinski načelnik Avdija Kovačević koji je dao komentare na neke diskusije vijećnika u raspravi i predložio slijedeći

Zaključak:

- **Zadužuje se Općinski načelnik da uputi dopis resornom ministarstvu Vlade ZDK i Direkciji za ceste ZDK kojim će se tražiti precizna Informacija o iznosu utrošenih finansijskih sredstava na održavanju regionalnog puta, odnosno putne komunikacije Breza-Vareš-Podkamensko i Kraljeva Sutjeska-Kopjari-Vareš, u 2012. godini i u I. kvartalu 2013. godine.**

Zaključena je rasprava i predsjedavajući OV stavio je na izjašnjanje Informaciju o zimskom održavanju lokalnih i regionalnih puteva i gradskih ulica uz predloženi Zaključak Općinskog načelnika.

Nakon izjašnjanja vijećnika predsjedavajući OV konstatuje da je sa **16 glasova „ZA“ i 1 „SUZDRŽANIM“ glasom usvojen Zaključak i**

Informacija o zimskom održavanju lokalnih i regionalnih puteva i gradskih ulica.

Ad. 15.

(Informacija o provođenju lokalnog ekološkog akcionog/akcijskog plana za općinu Vareš u 2012. godini.)

Nije bilo rasprave po ovoj tački dnevnog reda i predsjedavajući OV stavio je na izjašnjavanje Informaciju o provođenju lokalnog akcionog/ akcijskog plana za općinu Vareš u 2012. godini.

Nakon izjašnjavanja vijećnika predsjedavajući OV konstatuje da je sa **16 glasova „ZA“ i 1 „SUZDRŽANIM“ glasom usvojena**

Informacija o provođenju lokalnog ekološkog akcionog/akcijskog plana za općinu Vareš u 2012. godini

Ad. 16.

(Informacija o dostignutom nivou obnove i procesu povratka raseljenih osoba.)

Otvorena je rasprava u kojoj je svoje primjedbe i mišljenja iznio vijećnik Elvir Rožajac.

Zaključena je rasprava i predsjedavajući OV stavio je na izjašnjavanje Informaciju o dostignutom nivou obnove i procesu povratka raseljenih osoba.

Nakon izjašnjavanja vijećnika predsjedavajući OV konstatuje da je sa **15 glasova „ZA“ i 2 glasa „PROTIV“ usvojena**

Informacija o dostignutom nivou obnove i procesu povratka raseljenih osoba

Ad. 17.

(Tekuća pitanja.)

1. Predsjedavajući OV upoznao je prisutne o Zahtjevu Mjesne zajednice Ravne-Podružnica Zubeta. U Zahtjevu traže da Općinsko vijeće Vareš poduzme sve neophodne mjere i donese Odluku o poništavanju Odluke o davanju vodovoda MZ Ravne na upravljanje i korištenje JKP d.o.o. Vareš, o čemu se dali i obrazloženje u Zahtjevu.

U raspravi su učestvovali i iznijeli svoje prijedloge, sugestije i mišljenja predsjedavajući OV Zdravko Marošević, vijećnici: Elvir Rožajac, Ismet Abdulahović, Mario Mirčić i Kenan Kamenjaš.

Predsjedavajući OV je predložio da Općinski načelnik preko nadležne Službe stupi u kontakt sa predsjednikom MZ Ravne i Savjetom mjesne zajednice i da dogovore daljnje radnje u vezi ovog problema i navoda u Zahtjevu.

2. Predsjedavajući OV upoznao je prisutne o Zahtjevu za završetak radova na asfaltiranju ulice Novakovići, upućenom od strane mještana navedene ulice. Zahtjev je upućen Općinskom vijeću i Općinskom načelniku.

Na osnovu Zahtjeva mještana ulice Novakovići, predsjedavajući OV je sugerisao da nadležni iz organa uprave Općine Vareš odgovore i obavijeste mještane o mogućem periodu završetka radova na asfaltiranju ulice ili da nadležni izađu na teren kako bi utvrdili činjenično stanje da bi se pristupilo sanaciji puta.

3. Predsjedavajući OV upoznao je prisutne o Zahtjevu poduzetnika u ulici Zvijezda i Zahtjevu stanara 20-obiteljske ulica Zvijezda. Zahtjevi se odnose na provedbu Zakona o dopuni Zakona o osnovama sigurnosti saobraćaja na cestama u dijelu koji se odnosi na odredbe o parkiranju vozila. U Zahtjevima su naveli svoje probleme i dali prijedloge za rješavanje istih.

Otvorena je rasprava u kojoj su učestvovali predsjedavajući OV, vijećnici: Almir Ćiriković, Mario Mirčić, Elvir Rožajac i Općinski načelnik koji je na osnovu gore navedenih Zahtjeva predložio slijedeći

Zaključak:

- **Zadužuje se Općinski načelnik i Služba za prostorno uređenje i obnovu da pristupe izradi Prijedloga Odluke o utvrđivanju površina za parkiranje motornih vozila u skladu sa Prostornim planom FBiH i izmjenama i dopunama Zakona o bezbjednosti saobraćaja na cestama koji se odnosi na član 71. kao i sa Odlukom OV o nazivima ulica u naseljenim mjestima gradskog područja općine Vareš. Rok za pripremu, razmatranje i usvajanje Prijedloga Odluke je 30.06.2013. godine. U rješavanju ove problematike, potrebno je da se u pisanoj formi uključe i kontaktiraju MUP ZDK, Policijska stanica Vareš i Ministarstvo za prostorno uređenje i urbanizam ZDK.**

Predsjedavajući OV zaključio je raspravu i stavio na izjašnjavanje predloženi Zaključak Općinskog načelnika.

Nakon izjašnjavanja vijećnika predsjedavajući OV konstatuje da je **jednoglasno usvojen predloženi Zaključak.**

4. Zamjenica predsjedavajućeg OV Mahira Brkić uputila je sugestiju da ubuduće kad su u pitanju održavanje javnih rasprava, učesnicima se osigura učešće u raspravi, odnosno da se ne prekida javna rasprava (ako je vremenski ograničena) ako ima još neko tko se javlja za učestvovanje u raspravi. Uputila je primjedbu vezano za izlaganje Općinskog načelnika o aktuelnoj problematici na području općine Vareš, u dijelu izlaganja u kome je Općinski načelnik izjavio da je gospodin Brano Šurkić na prijemu kod američkog ambasadora bio u ulozi zamjenika predsjedavajućeg OV. Napominje da je to možda bila nenamjerna zamjena riječi jer ne može biti u ulozi zamjenika predsjedavajućeg, jer je Općinsko vijeće imenovalo predsjedavajućeg i zamjenicu predsjedavajućeg OV. Ispred Kluba SBB informisala je Vijeće i javnost da je održan jedan konstruktivan sastanak predstavnika Kluba vijećnika, zastupnika

u Skupštini ZDK, te kantonalnih ministara koji dolaze ispred Saveza za bolju budućnost. Na tom sastanku dato je obećanje da će se u potpunosti promijeniti odnos kantona, odnosno određenih resornih ministarstava prema općini Vareš, te da naš grad više neće imati „maćehinski„ odnos od strane kantona kao što je to bio slučaj do sada. Također je upoznala prisutne o podacima koje su prezentovali resorni ministri, a to je da je ministar gospodin Džemil Ugarak u okviru svog ministarstva uspio naplatiti koncesioni dug od oko 190.000 KM od firme BBM Amfibolit, te je shodno toj naplati, na račun Općine Vareš uplaćeno 70% iznosa što iznosi oko 133.000 KM. Vlada kantona je ponovo na prijedlog Ministarstva za privredu i njenog resornog ministra usvojila Odluku o utvrđivanju minimalnih naknada za koncesije kojom se dodatno uvodi red u ovu oblast. Izvijestila je prisutne da su na 108. sjednici Vlade ZDK, na prijedlog naprijed navedenog ministarstva, odobrena sredstva u iznosu od 49.650 KM na ime izgradnje, odnosno dovršetka radova puta kroz naselje Neprivaj, općina Vareš.

Za riječ se javio Općinski načelnik i u svom obraćanju vezano za prvu konstataciju gospođe Mahire Brkić izjavio da je termin javne rasprave koja je održana prije početka današnje sjednice, utvrđen na Kolegiju OV kojim je predsjedavala zamjenica predsjedavajućeg OV Mahira Brkić, a na kome Općinski načelnik nije bio prisutan. Također je izjavio da je gospodin Brano Šurkić u posjeti američkoj ambasadi bio u svojstvu zamjenika predsjednika HDZ, a predsjedavajući OV gospodin Zdravko Marošević je istovremeno i predsjednik HDZ sa kojim je i dogovoreno da gospodin Brano Šurkić bude član delegacije, koji je istovremeno i šef tima za vođenje projekata, odnosno Kataloga projektnih ideja. Upoznao je prisutne u vezi koncesionih naknada od BBM Amfibolit, da se radi o jednom dugom sudskom sporu koji se vodi na relaciji Ministarstvo za privredu i da su ugovorene strane dogovorile da se ne ide dalje u sudske postupke nego da se jedna zaostala (pod velikim znakom pitanja) koncesiona naknada iz perioda 2007 i 2006 godine, od strane BBM-a prema Ministarstvu i prema Općini Vareš u iznosu od 190.000 KM, isplati od strane BBM-a Ministarstvu kao avans na način da će se kod utvrđivanja konačnog stanja, koji će se ovih dana komisijski uraditi u Varešu i ukoliko bude BBM u pravu, onda će ta koncesiona naknada važiti za 2013 i 2014. godinu. Općini Vareš je po tom osnovu uplaćen iznos od 133.000 KM i Općina Vareš je po osnovu izvršne sudske presude kojom je bila dužna, BBM – u uplatila iznos od 80.000 KM. Također je izvijestio Vijeće da je na prijedlog Općine, prvenstveno nadležne Službe, upućen Zahtjev nadležnim u kantonu ne samo za put Neprivaj-Slivno, nego i za put Strica – Zaruđe, jer smatramo da imamo pravo da apliciramo na sredstva.

Zamjenica predsjedavajućeg Mahira Brkić dala je komentar u vezi svog izlaganja i izlaganja Općinskog načelnika.

Sastavni dio ovog Zapisnika je audio zapis sjednice.

Sjednica je završena u 14 sati i 55 minuta.

SEKRETAR

Leon Pavlović

ZAPISNIČAR

Azra Ibrahimović

PREDSJEDAVALA

Zdravko Marošević